



D' Jubla esch e guete Ort zom mache

D Jubla esch e guete Ort zom mache

D Jubla esch e guete Ort zom mache –
Ohni Angscht, dass öpper chönnt lache...

D Jubla esch e guete Ort zom mache...

Zom Speli mache

Erfahrige mache

Ou zom mou e Blödsenn mache

D Jubla esch e guete Ort zom us Chend jongi

Erwachsni – ond us jonge Erwachsene nomou Chend z
mache

D Jubla esch e guete Ort zom mache...

zom us Blache Zäut mache

mou e Pouse mache

Lärm verursache

D Jubla esch ou e guete Ort zom Konflikt abflache

D Jubla esch e guete Ort zom mache...

Zom Wanderige mache

sech Gedanke z mache

zom Guetzli bache

E de Jubla daf mer ou mou Fähler mache

D Jubla esch e guete Ort zom mache...

zom Nöis mache

Senn mache

zom Nächt döremache

D Jubla esch e guete Ort zom us Kompliziertem eifachs
z mache

D Jubla esch e guete Ort zom mache...

Zom vo sech rede z mache

Zom Konfi iimache

Gschechte verzelle met oder ohni Drache

Ou vo de Jubla daf mer ab ond zue emou en Usziit
mache

D Jubla esch e guete Ort zom mache...

Zom Theater mache

Zom Fröid mache

Zom Frönde mache

Segs met Houz oder em Härz - es Fүүr z entfache

Jo, d Jubla esch e guet e Ort zom mache -

Ohni Angscht, dass öpper chönnt lache....

Mängisch ohni auzo vöu z studiere,

sondern eifach mou probiere,

Stuune, wasi alles cha, was alles good –

Wemmer zäme hed ond ned nochelood.

Merke, dass die andere ned öber mech,

sondern met mer dönd lache –

Jo, d Jubla esch e guete Ort zom mache...

Valentin Beck

anlässlich der Bundesversammlung vom Mai 2015

Kombinierbar z.B. mit Mani Matters „Dr eint hed Angscht:

Jubla als Ort wo nicht übereinander, sondern miteinander gelacht wird.